



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 14. In novo Senatu Reginae Auctoritas declarata.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

## §. XIV.

*In novo Senatu Reginae auctoritas  
declarata.*Sæc. XVI.  
A. C. 1554.

Hic tum Anglicarum rerum erat status, cum die secunda Aprilis Anno Domini millesimo quingentesimo quinquagesimo quarto novus congregaretur Senatus; cum enim olim omnes leges fuissent conditæ a Regibus, illisque Solis supremæ auctoritatis jura censerentur annexa, hinc verebantur nonnulli, ne quidam Reginae prærogativas, ac potestatem in dubium vocarent, etiamsi jure legitimo regni diadema ad eam esset devolutum: quapropter hic Senatus primo suo edicto declarabat, quod Mariæ Reginae eadem omnino, quæ cuilibet Regi, competeret auctoritas, ipsumque publicum Angliæ jus regni coronæ annecteret supremi imperii prærogativam, sive demum Regnum a Principe masculino, sive foemina jure possideretur, ut proin cuncta, quæ Regi debentur, pari quoque ratione Reginae competant, ipsaque Mariæ potestas non minus ampla extenderetur, quam cujuslibet ex ejus Prædecessoribus imperium. Enimvero huic edicto inferior obstrepebat Curia; timebat enim, ne ex Reginae connubio cum Hispaniæ Principe Angliæ regnum despotico

Sæcul. XVI  
A.C. 1554.

spotico subjiceretur imperio, aut forte illa revocaretur ætas, in qua Guilielmus *Domitor* Anglos indigenas suis bonis spoliabat, ea exteris adjudicans: eapropter moderabatur edictum his verbis conceptum, ut Reginæ auctoritas non minus quidem suprema esset, ac Majorum suorum potestas, iisdem tamen circumscriberetur limitibus, cum non ea sit mens, ut Regina Princeps esset a nemine dependens, sed potius impediatur, ne sub obtentu sexus virilis Philippus omnem imperii auctoritatem sibi vendicet.

## §. XV.

*Alicæ res ad trutinam quidem vocatæ,  
sed rejectæ.*

*Burnet l. c.*

In eadem Sessione Nortantoniæ Marchio pristinis suis reddebatur dignitatibus, pariterque Dunhelmensis Episcopatus, qui ad exitum nuperi regiminis suppressus fuerat, rursus erigebatur, ac demum sententia, quæ contra Suffolciæ Ducem, ac quinquaginta octo alios postremæ seditionis conscios fuit pronuntiata, confirmabatur. Equidem plures aliæ insuper audiebantur propositiones, vi quarum decantati sex articuli firmarentur, & sententiæ olim adversus Lolardos latæ innovarentur, carnibusque in jejuniis verno vesci per-

mitte